

والسلام اقدمز بعض اصحاب ايله « جمرانه » نام موقعدن قالقه رق عمره نیتيله محرمًا مکيه داخل اولديلر . عمر دلرینی اکیال ایدنجه تکرار اردو کاهلرینه کله رک مکة نک امور اداره سنی عتاب بن اسیده ، امور دینیه نک تعلیمی جهتی ده معاذ بن جبله تسلیم ایدرک ذی القعدة نهایتلرنده یاخود ذی الحجه نک ابتدالرنده مدینه منوره یه عودت بیوردیلر .

بوسنه اهل اسلام ، حجی عتاب بن اسید ايله برلکده ایفا ایتدیلر . فقط اسلامیتی هنوز قبول ایدمه یین قبائل عرب و مشرکین ایسه کندی عادات جاهلیله ری اوزره اجرا ایتک خصوصنده سربست براقیلدیلر .

هجرت سنیه نک طقوزنجی سنه سی ایدی ، علیه الصلوة والسلام اقدمز برنجی دفعه اولمق اوزره حضرت ابوبکری امیر حج انتخاب بیوردیلر . ابوبکر ، علی روایة ، مدینه منورده دن اوچیوز قدر اهل اسلام ايله یوله چیقیدیلر . اول حضرت کندی مبارک الیه یکریمی دوه یی هدی اولمق اوزره نشانلایه رق و بویونلرینه قلاده لر طاقه رق ابوبکر ايله برابر ایصال ایتدی . حضرت ابو بکر کندیس ایچونده بش هدی نشانلامشدی . حجاج مسلمین ذوالحلیفه موقعنده احرامه کیردیلر . مکیه طوغرو ایلروله یورلردی .

بوصره لرده « براءة » سورة جلیله سی نازل اولدی . رسول اکرم ايله مشرکین آره سنده اولان معاهده عمومیه نک ، یعنی تادور خایلدن اعتباراً ذی قوت و متولی کعبه اولانلرک زیارت بیت الله و ایفای حجن مؤمن و مشرک هیج برکیمسه نک منع ایدیله مسی ، شهر حرمد کیمسه نک هیج بردرلو تعرضه دوچار اولماسی ضمننده برتعامل موجود ایدی . بو حالد بوکون ذی قوت و شوکت اولان اهل اسلامک دخی زیارت کعبه وادای حجن هیج برکیمسه یی منع ایتمه لری اقتضا ایده جکدی .

عمومه عائد اولان بوحق عادتاً بر معاهده ايله تأمین ایدیش کی ایدی . نصل که فتح مککی متعاقب اول حضرت برچوق بدعتلری فسخ ایتدیکی حالد بوجهتی مسکوت عنه براقشردی . فقط بوندن بویله مشرکانه اجرا ایدیله چک طواف و سعیله ، برچوق بدعتلر ايله قاریشیق اوله رق اجرا ایدیلن حجلره نهایت ویریله چک ، بر محیط مقدس داخلنده خالق ذوالجلال اولان اللهک اسم پاکر یله برابر « لایسنم ولا یغنی من جوع » اولان اصنامک ناملری یاد ایدیله میه جکدی . حضرت اللهک قرآن کریمده : « وعهدنا الی ابراهیم و اسماعیل ان طهرا بیتی للطائفین و الما کفین و الرکع السجود » دیه حکایه بیوردینی اوزره ، ابراهیم و اسماعیل علیهما السلامک تا اوزمانلر مکلف اولدقلری وظیفه تطهیر ايله بودفمه ده اول حضرت مأمور اولیوردی . آرتق کعبه معظمه اصنام و اوثاندن ، هر درلو آثار شرکدن تطهیر ، حج صفت اصلیه سنه ارجاع ایدیله جکدی .

برده علیه اله لاه و السلام اقدمزک بعض قبائله قارشى خصوصى معاهده و متارکه لری واردی که بعد الهجره عقد ایدیلشیدی . ایشته براءة سورة جلیله سی برنجی نوعدن اولان معاهده عمومیه نک فی الحال

وعظمت رهبری ایکن ؛ او دین مینه انتساب دعواسنی کودن بز زواللیر ، دنیانک مختلف اقلیملرنده عاقل ، باطل ، مسکین ، ذلیل محقر ، محکوم ، ایکنج بر طاقم پیغیلر ، جانلی لاشه پیغیلری تشکیل ایدیورز ! ولاحول ولا قوة الا بالله .

محمد عاکف

فَقِيرٌ وَقَتًا فَيُؤْتَى

فقه و عبارات اسلامیه تاریخنده :

حج

۷

هجرتک سکنزنجی سنه سی ایدی ، مکة فتح ایدیله رک کعبه معظمه ، مسجد حرام اصنامدن تطهیر ایدیلدی . علیه الصلوة والسلام اقدمز کعبه یی غیر محرم اوله رق یدی دفعه طواف ایدیلر . حجر اسودی ، التمه بولتان چوکانی ايله استیلام ایدیوردی . طواف تمام اولونجه ، امر نبوی اوزرینه ، کعبه دخی اصنامدن تطهیر ایدیله رک ، حضرت بلال کعبه نک اوزرینه چیقیدی ، اذان او قودی . بعده اول حضرت معیتده بلال ، عسامه بن زید ، عثمان بن طلحه بولوندیغی حالد کعبه یه داخل اوله رق قابوی قبادیلر . حضرت بلالک روایت کوره ، علیه الصلوة والسلام اقدمز قابویه مقابل اولان دیواره اوج ذراع قدر یا قلاشه رق اورایه متوجهاً نماز قیلدیلر . ابن عباسک دیدیکنه کوره ، بوصره ده « ان الله یأمرکم ان تؤدوا الامانات الی اهلها » آیت کریمه سی نازل اولدی . درون کعبه ده تکبیر و تهلیل کتیره رک آز چوق کزندکدن صوکر قابو آچیلدی . قریش قابو اوکنده صف تشکیل ایدرک حقلرنده نصل معامله ایده جکنی دوشونوب طور یورلردی . علیه الصلوة والسلام اقدمز قابونک ایکی طرفه الیله طوتونه رق غایت بلیغ و مؤثر بر خطبه ایرادیوردیلر . عادات جاهلیه ، قان دعوالری لغو ایدیلدی . قریش ده عفونبوی به مظهر اولدیلر . بعده مسجد الحرامده اوطوره رق عبدالدار اولادندن عثمان بن طلحه یی چاغیردی . « ان الله یأمرکم ان تؤدوا الامانات الا اهلها » آیت کریمه سندن کلاشیلان امر الهی به امتثالاً کعبه نک اناختارینی اکا تسلیم ایتدی . ذاتاً کعبه نک پرده دارلغی اوتهدنبری عبدالدار اولادنده بولونیوردی . فتح مکة کونی ده کعبه نک اناختاری و حجاب (پرده دارلق) وظیفه سی بوسلاله دن عثمان بن طلحه نک التمه ایدی . بعدالفتح دخی بو وظیفه لغو ایدیله رک تکرار بوسلاله یه تودیع اولوندی .

فتح مککی متعاقب حنین سفری دخی حنین ختلله ایره رک اموال غنائم تقسیم ایدیلشیدی . صوکر ذی القعدة آبی ایچنده علیه الصلوة